


Erasmus (6 pages)



MINI-PROGRAMA DI GOBERNASHON

Ordená | Stabilisá | Avansá

KOALISHON: UPB/MPB/FRAKSHON SERBERIE

2026-2027

SCF

1/1

1. INTRODUKSHON | UN MANDATO DELIBERAMENTE LIMITÁ

E “Mini-Programa di Governashon” i alabes akuerdo di koalishon aki tin un karakter úniko. E no ta konserní un periodo di governashon kompleto, sino mas bien un periodo atministrativo di alrededor di un aña ku ta sobra i ku ta kondusí na elekshon di Konseho Insular na mart 2027. Komo tal e periodo aki ta eksigui di nos ku nos ta realistiko, pero ku atenshon pa lokualnan pueblo tin nesidad urgente di dje. Pues ounke realistiko nos lo karga e responsabilidad debidamente pa duna resultatnan konkreto riba nesidadnan agudo di nos komunidad.

E periodo ku a pasa di mas o menos 2.5 aña tabata un periodo karakterisa pa un gobiernu sentralisa. Nos no ta husga e sistema pero e resultado si tabata klarito. Mayoría prosesonan ku mester a kondusi na servisionan vital i importante pa nos komunidad a stagna. Tambe provishonnan vital pa nos komunidad a stagna barbaramente. Governashon a pega i e resultado riba komunidad tabata un governashon sin e efektonan positivo ku pueblo ta spera. Un di e señalnan konkreto di e stagnashon tabata e administrashon finansiero di gobiernu. E administrashon finansiero no tabata kumpli ku e leinan i regulashonnan vigente i pio ainda demasiado fondonan tabata i ta keda para sin ku ta usanan na bienestar di nos komunidad.

Mas aleu, riba vários terenonan vital di governashon tin falta di un bista kla riba:

- e estado real di asuntunan;
- e grado di ehekushon di desishonnan tumá;
- e kousa di retraso òf parada.

Si klaridat riba e aspektonan aki, no ta posibel pa formulá un manera adapta i efektivu nobo ku tin ta responsabel i na bienestar di nos komunidad.

P’esei e koalishon aki konsientemente ta skohe un aserkamentu diferente:

- promé, restorá bista general i e base atministrativo;
- despues, adapta i drecha kaminda ta nesario;
- i, a base di esei, traha un perspectiva realístiko i faktibel pa futuro.



Esaki ta nifiká ku e koalishon aki:

- no ta formulá ambishonnan irealistiko;
- ta kouteloso ku obligashonnan nobo i solamente ta drenta den obligashonnan nobo si ta finasieramente responsabel i un bienestar urgente di komunidad lo keda konkretisa;
- i no ta desaroyá ningun maneho i polítika sin un bista kla di efekto i kapasidat.

E tarea ku nos tin nos dilanti ta obvio:

Trese struktura, rekonstrui konfiansa i tuma akshon konkreto riba asuntunan urgente.

2. PRINSIPIONAN ADMINISTRATIVO

Governashon i koalishon ta aktua a base di e siguiente prinsipionan:

- Ta apliká dualismo puramente, ku rèspèt pa ròl i responsabilidatnan, na mismo momento ta kolabora sufisientemente ku otro pa garantisa servisio i bienestar na pueblo.
- Legalidat, proporshonalidat, efisiensia i faktibilidat ta prinsipionan di guia, asta ora esaki ta polítikamente inkómodo.
- Kapasidat di servisio sivil disponibel ta wòrdu desplegá realístikamente. Kaminda ta nesesario, e trabou ta wòrdu hasí ku sosten eksterno, den kuadronan kla i responsabel.
- Governashon i polítika ta dirigí riba resultadonan konkreto pa pueblo, no riba persepshon públiko.

3. ENFOKE DI POLITIKA

Den e periodo limitá di governashon aki, governashon i e koalishon ta enfoká riba un kantidat di prioridatnan urgente i mas tantu posibel relashona ku otro.

3.1 FINANSAS NA ÒRDU

Un fundeshi finansiero stabil ta nesesario pa kualke forma di bon governashon.

E enfoque ta riba restaura supervision, garantisa legalidad, i logra un presupuesto ku ta responsabel i ku nos por ehekuta efektivo na bienstar di pueblo.

Banda di esey ta hasi esfuersonan pa garantisá transparensa y fortifika e maneho finansiero, ku e meta pa krea un gobiernu konfiabel, efektivu i stabil.

Dikon:

Sin stabilitat finansiero, pueblo lo no tin un gobiernu na su bienestar.

3.2 INFRASTRUKTURA

Infrastruktura fisiko di e isla ta ketu bai den estado malu i no sigur. Kontinuashon di invershonnan den infrastruktura fisiko ta sumamente urgente. Un kos si, e efektivitat i velosidat mester subi drastikamente.

E enfoke ta riba seguridat, aksesibilidat, i e kalidat básiko di kaminda i fasilidatnan, ku atenshon na diseño sostenibel i habitabilidad.

Dikon:

Infrastruktura fisiko ta impaktá direktamente e bida diario di e residentenan i e desaroyo ekonómiko di e isla.

3.3 Maneho di shushi i prosesamentu di shushi

E situacion actual pa loke ta prosesamentu di shushi, entre otro e asunto di landfill ta rekeri atenshon i akshon imediato.


Koalishon ta enfoká riba stabilisá e situashon i eksplorá alternativanan duradero i realisabel, den kolaborashon ku partnernan relevante ariba i pafó di e isla.

Dikon:

Esaki ta regardá un asunto urgente pa loke ta trata salú públiko, medio ambiente i e ambiente di biba.

3.4 PROSPERIDAT I KONSIENTISHON AMPLIO

Koalishon kier kambia e enfoke for di solamente sosten di entrada pa inklui tambe mas konsientisashon, outosufisiensia i resiliensia mental.



A horizontal grey bar containing five handwritten signatures or initials in blue ink. From left to right: a stylized signature, a signature with a large flourish, a signature that looks like 'fu', the initials 'S.C.F.', and a signature that looks like 'J'.



A small, handwritten signature in blue ink located in the bottom right corner of the page.

Maneho mester enfoká riba sostené esnan ku ta den nesesidat di forma imediato pa nan por tin un bida sosialmente akseptabel i inklusivo. Tur esaki di un forma sostenibel dor di entre otro hasi mihó uso di rekursionan disponibel.

Dikon:

Progreso struktural no ta rekerí solamente rekursionan pero tambe bista, abilidadnan i perspektiva.

3.5 PERMITNAN, KONTROL I SIGUMENTU (VTH)

Prosesonan aktual di duna permitnan i kontrolnan relashona ku ehekushon di e permitnan aki ta wòrdu mehorá pa kibra stagnashon i oumentá siguridat hurídiko.

Kaminda ta posibel, forman di implementashon mas eficiente ta wòrdu eksplorá, miéntas ta mantené kontrol i kalidat públiko.

Dikon:

Un sistema di PKS ku ta funshoná bon ta esensial pa desaroyo ekonómiko, konstrukshon di bibienda i konfiansa den gobièrnu.

3.6 SEGURIDAT DI KUMINDA

Mirando desaroyonan internashonal i dependensia riba importashon, esfuersonan ta wòrdu hasí pa fortalese produkshon di kuminda lokal i koperashon regional.

Dikon:

Seguridat di kuminda ta direktamente mará na e stabilitat, kosto di bida balansa i resiliensia di e isla.

3.7 ÒRDU I SEGURIDAT

E Hunta Ehekutivo ta enfoká riba fortalese òrdu públiko, seguridat sosial i resiliensia administrativo.

Dikon:

Seguridat i òrdu públiko ta esensial pa biba, stabilitat sosial i konfiansa den gobièrnu.

